

## Universitätsbibliothek Paderborn

### **Historiae Ecclesiasticae Pars ...**

HISTORIAE EC||CLESIASTICAE PARS || PRIMA, QVA CONTI-||NENTVR ||  
Eusebij cognomento Pamphili Cæsareæ Palæ-||stinæ Episcopi lib. 10.||  
Eiusdem de vita Constantini magni lib. 4.|| Oratio Constantini magni ad  
sanctoru[m] cœtu[m].|| Oratio eiusdem Eusebij in laudem Constanti-||ni  
magni ad trigesimum ...

**Christopherson, John**

**[Köln], 1569**

De duodecim martyribus, qui vum Pamphilo martyrium oppetuerunt. Cap.  
XXI.

**urn:nbn:de:hbz:466:1-29861**

## EVSEBII HISTORIAE

omnibus tum vitæ ipsius longe prælata, Cæsareæ per ignem, velut aurum purissimum, fidem in Christum Dei generoso & excelsò animo accurate probauit. Cū isto vna Aesculapius episcopus, vt videbatur, erroris Marcio nitarū, zelo pietatis, vt ille putabat, sed non illius quæ est secundum scientiam, uno & eodem rogo combutus, exiit è vita. Verum hæc haec tenus.

*De duodecim martyribus, qui cum Pamphilo martyrium appetuerunt.*

### CAP. XXI.

Tempus iam eo me vocat, vt illustre quasi theatrum martyrum, qui cum Pamphilo (cūsus nomen mihi semper optatissimum fuit) mortem appetuerunt, in hoc sermone ante oculos cuiusq; ad intuendum propinquam. Duodecim quidem erant, & non modo quodam propheticō dono, aut potius Apostolico, sed apostolorum etiam numero dignati: quorum Coryphæus & princeps solus Pamphilus, presbyterii dignitate Cæsareæ ornatus, extitit: vir totu[m] ritæ cursu omni virtutum genere eximus: abiectione & contemptu seculi insignis: facultatum in pauperes largitione magnificus: spei, quæ in cœducis mundi rebus defigi solet, despicientia mirus: ratione viuendi & cœsuetudine vero philosopho digna singularis: quinetiam ardenti diuini eloquii & sacrarum literarum studio, præter cœteros nostræ memorie homines egregius: attentissima & prope inexhausta in eas res industria & assiduitate, quas apud animum proposuerat, præstabilis, & in cognatis, omnibusq; propinquis iuuandis perliberalis: Cœtera virtutis eius officia, & reæ facta, quoniam longiore explicatione eguerunt, in separato & proprio volumine, de eius vita perscripto, inque tres libros disperito, iam pridem pluribus verbis tradidimus. Eos ergo, qui acriter illius ritæ & virtutum in ea eluentium plenius cognoscendarum cupiditate incenduntur, eò amandamus: nos autem illis solum in præsentia insistemus, quæ ad martyres cum eo ad supplicium adductos pertinent. Secundus post Pamphilum

in cer-

in certamen descendit, veneranda canitie honoratus <sup>Va</sup> lens, Aelius ciuitatis diaconus, ipso aspectu senex grauis simus, diuinarum scripturarum (si quisquam alias) in primis peritus. Nam tantam illarum memoriam in pectus eius inclusuerat, vt si quando aliquem locum citare vellet, perinde expedite illud poterat absque scripto efficeret, atque ex scripto legere. Tertius Paulus pietate maxime inflamatus, & spiritu non minus feruidus, ex ciuitate Iamnitarum, in qua fama per celebris fuit, pregnatus: qui ante martyrium, cauteriorum exustiones perpessus, egregium certamen pro fidei confessione confecit. His in carcere, rato biennii spatio, commorantibus, fit martyrii dilatio. Interea fratrum Aegyptiorum, qui cum illis vna martyrium subierunt, accessio facta est. Ipsi Aegyptij simulatque confessores illos, qui erant ex Cilicia, ad metalla usque, quae ibi erant produxerant, domum redierunt. Qui similiter apud ipsos portarum Cæsareæ introitus a custodibus, (Barbari autem isti erat & moribus agrestes) quinam essent, & unde venissent, interrogati, cum veritatem occultare non possent, tanq; malefici in ipso facinore manifesto prehensi, tenebantur. Quinque erant numero, qui quidem ad tyrannum deducti, & coram illo libere fidem confessi, statim in carcerem contruduntur. Postridie, hoc erat decimo sexto die mensis Peritii, id est secundum Romanos, ad decimum quartum Calend. Martii, hi pariter cum Pamphilo, & reliquis eius sociis, quos supra posuimus, ex mandato ad iudicem producuntur. Iste primus inexpugnabilis Aegyptiorum constantiae & firmitatis animi diuersis cuiusque modi tormentorum formis, nouis peregrinarum, & variarum machinarum inuentis periculum facit. Et simulac illum, qui inter eos omnes principatum tenuit, his certaminibus exercuerat, quisnam esset, primum sciscitus est. Deinde ubi pro proprio nomine, prophetæ cuiusdam nomen ab eo acceperat (hoc enim ab illis factitum erat, quod pro nominibus idolorum, quae erant forte a parentibus ipsis imposta, noua nomina, facta mutatione, ipsis sibi asciuissent: Eliæ enim, Hieremie, Hesaiæ, Samuelis, & Danielis nomine seipso nuncupasse, & germanum

## EVSEBII HISTORIAE

manum ac verum Dei Israelem, qui Iudaeis erat in occul-  
to, non solum rebus ipsis sed nominibus proprie & signi-  
ficanter explicatis, commonstrasse audire potuisse) ubi  
inquam tale nomen a martyre acceperat Firmilianus,  
non in verbi vim & significationem animum omnino in-  
tendes, secundo loco eum interrogavit, quæ illius patria  
esset. Ille nomine priori apte respondens effert: Hierusalem  
suā patriam esse ait: eam certe intelligens, de qua apud  
**Gal. 4.** Paulum dicitur: quæ sursum est Hierusalem, libera est,  
**Hebr. 12.** quæ est mater omnium nostrū. Item alio loco, accessistiis  
ad montē Sion, & ciuitatem Dei viuentis, Hierusalē cœ-  
lestem. Is quidem hanc planè intellexit. Sed Firmilianus  
cogitatione sua humi abiecta, quæ tandem ciuitas illa  
esset, & ubi terrarum sita, accurate & curiose disquirit:  
vnde cruciatu illum affigit, ut verum fateretur. Hic ma-  
nibus a tergo vincitis obtortisq; & pedibus machinamē-  
tis peregrinis inusitatissq; diuallis excruciatus, verum se  
dixisse constanter asseperat. Deinceps iudice rursus saepe  
querente quisnam esset, & quo loco ciuitas illa quam di-  
cebat, locaretur, eam affirmat piorum solum patria esse:  
neque alios præter hos solos, illius fore participes: il-  
lamque ad orientem, ubi sol primo mane suos radios  
fundere incipit, positam. Atque in istis denuo proferen-  
dis seorsum apud animū suum ita diuinitus philosopha-  
rus est, ut eorum, qui illum vndiq; tormentis diuexabāt,  
nullā prorsus rationem duceret: sed tāquam carnis, cor-  
porisq; expers, ne minimū quidē videretur doloris sen-  
sum percepisse. Iudex animo hæsitās intra se tumultuari  
cœpit: putabatq; Christianos eam ciuitatē de qua mar-  
tyr locutus fuisset, infestā omnino & inimicā Romanis  
effecturos. Multum igitur de ea re scrutari, & vbinā tan-  
dem illa regio, quæ in orientē ferebatur, existeret, admo-  
dum cōquirere. Postq; autem adulescētulum verberibus  
sæpius dilaniatum, & tormentis cuiusq; generis discru-  
ciatū, firma & immutabili mentis constans illis, quæ ante  
dixerat, adhærescere animaduertit, ad extremum mortis  
sententiam, ut securi percuteretur, contra eum protulit.  
Talem igitur is velut vitæ suæ peregit fabulam. Ceteri  
eius socij paribus certaminibus a iudice exagitati, pari  
mortis

mortis genere è vita cesserunt, Postea demum Firmilianus quanquam prope defatigatus erat, & frustra viros illos suppicio affici cernebat, sua tamen cupiditate eorum morte exaturata, ad Pamphilum & eius socios se contulit. Et cum satis expertus erat, quam inflexibilè in fide tenenda constantiam etiam iam antea in tormentis ostendissent, iterū interroget, utrum deinceps modo illi morē gereret. Atq; cū à singulis eorum definitū & postremū responsum de fidei confessione, quæ est martyrii propria excepisset, similem cum prioribus pœnā & supplūcium illis irrogat. Quibus ad exitum perductis adolescentulus quidam ex famulis Pamphili, qui ita erat excultus instrutusq; vt dignus ingenua talis & tati viri educatione & disciplina merito videtur, simulatq; iudicis sententiā cōtra dominū suū pronuntiatam intellexit, & media hominum multitudine exclamat, & vti illius aliorūq; sociorū corpora cum è vita decederent terræ mādarentur postulat. Iudex verò nō hominis, sed belluq; aut si quid sit bellua immānius, naturam securus, ne adolescentulo quidem extatis causa quicq; veniæ tribuit, sed vt primū eum rogarat, esset ne Christianus, ipseq; se esse responderat, iracundiæ æstu intumescens, quasi telo saucijs, tortoribus in mandatis dedit, vt omnes suas vires & impetus cōtra eū exercearent. Postq; vero, cum immolare ei iussum esset recusantem videbat, nō vt hominem carne circundatum, sed vt statuam ex lapidibus, aut ligno, aut alia re quapiam cōfectam, ad ossa usque, & intimos viscerum recessus, acriter & absq; vlla remissione deradi dilacerarique præcepit. Quo supplicii genere diu sustentato, iudex cum illum nec vocem emittere, nec sensum doloris ullum p̄ se ferre vidit, idq; cum parum abesset, quin illius corpus esset omnino inanimatum, & tormentis penè contritū exhaustūq; se frustra illū torquere p̄spexit, tamē aīo duro, ferreo, & oīs humanitatis expte persistas, cōfestim igni pedetētim exardescēte, & remissō cōburi decernit. Hic igitur adolescentul⁹ postremus, ante Paphili mortē, qui erat dñs eius secundū carnē in certamē ingressus, ante illū ē corporis vīculis solut⁹ fuit, pp̄te gea q; qui erāt in aliis trucidādis occupati, tardare videbantur.

## EVSEBII HISTORIAE

bantur. Liquerat ergo Porphyrium videre (hoc namque adolescentulo nomen erat) iam in omni certaminum genere exercitatum, incredibili studio & ardore, more hominis pro augusta & sacra victoria decertantis, incésum, corpore puluere quidem consperso sordidatum, sed de coro oris habitu eximium. erecta & generosa animi elatione post tantos cruciatus ad mortem gradientem, diuino spiritu reuera completum habitu philosopho, quo uti solebat, hoc est, iudamento ad modum pallii humeros solum obtigentis vestitum, familiaribus suis, quid illos eius causa facere vellet, modesto & tranquillo animo præcipientem, nutuque significantem, & cum iam ad palum esset alligatus, vultum splendidum & hilarem seruantem: quinetiam cum robus longo interuallo ab illo tanquam in ambitum orbemque exardesceret, hinc, illincque flammarum incendio primum corpus attigente clara voce profundebat, nempe Iesum filium Dei eius adiutorem fore, constantissime cum silentio omnes cruciatus ad extremum usque spiritum toleratam. Tale Porphyrii in martyrio certamen fuisse constat. Cuius vitae exitum Seleucus confessor quidam ex militum numero, Pamphilo nuntiauit: qui ut par erat eiusmodi nuntii ministro, quam primum fuit eadē sorte cum illis martyribus dignatus. Nam mox ut mortem nuntiauerat Porphyrii, & unum ex Martyribus osculo sancto salutauerat, eum milites quidam compræhendentes, ad presidem deducunt. Iste tanquam eius profectionem maturingans, quo Porphyrio comes itineris ad cœlum suscepit adiungeretur, exempli capitis supplicio multari iubet, hic in Cappadocia natus pre delecto iuueni globo, qui in exercitu Romano militabant, præque illis, qui erant apud Romanos in amplis dignitatum gradibus locati, non exiguum honorem adeptus est. Aetate enim florente, robore, proceritate, firmitateque corporis plurimum omnibus militibus antecelluit: adeo ut aspectus eius celebris, & omnium sermone prædicatus existeret, tota corporis forma ac specie tum ob magnitudinem, tum ob pulchritudinem & aptam membrorum compositionem

sitionem admirabilis. Qui in ipso persecutionis initio, plagarū perpessione in certaminibus pro fidei confessione suscepit admodū enituit: & ubi militiae munere, quo fungebatur spoliatus fuit, eorum qui ~~conventi~~, id est pietatis cultores vel monachi, qui dies noctesque dinnis meditationibus se exercent, emulum se & imitatem effecit: orphanis desertis, viduis omni ope destitutis, hominibus inopia & corporis infirmitate afflictatis, instar patris alicuius indulgentis & curatoris, benigne prospexit, & opitulatus est. Vnde merito quidem, cum Deus ab eiusmodi pietatis officiis plus capit oblectationis, quam à victimis fumo redundantibus & sanguine aspersis, ad insigne & eximium martyrij decus per eius gratiam accessitus fuit. Hic decimus athleta inter eos, quos supra ostendimus, uno eodemq; die mortem oppetiit: quo certe (ut apparet) maxima quasi coeli porta Pamphili martyrio decora illa quidem & congruens patefacta, tum illi, tum aliis qui cum eo erant, in regnum cælorum editum dedit per facilem. Theodulus item grauis quidem & religiosus senex, unus ex præfecti Firmiliani familia, & ab eo plusquam cæteri omnes domestici honoratus, partim proœcta ætatis causa, (proauus enim erat, id est tertia progeniei pater) partim propter benevolentiam & fidelem animum quam erga ipsum semper seruauerat, isdem vestigiis cum Seleuco insistens, & facinus illius facinori haud quam dissimile admittens, ad Firmilianum Dominum suum deductus fuit: eiisque maiorem billem, quam superiores commouens, tandem crucis afflationi additus, idemq; martyrij genus quod seruator olim, lubens perpessus est. Deinceps quoniam unus adhuc restabat, qui inter martyres commemoratos locum duodecimum expleret, idcirco Julianus eum expleturus accessit. Qui peregre iam eo aduentans, & locum adhuc minimè ingressus, simulac inter vias de eorum morte intellecterat, exempli ad insigne martyrum spectaculum recta se contulit: Atque ut humi posita sanctorum videntur se contulit: Atque ut humi posita sanctorum videntur corpora, solido expletus gaudio, sigillatim ea complexus salutauit. Quod dum faciebat, lictores & cædis ministri, eum prehensum ad Firmilianum ducunt. Qui

Aa ea quæ

## EVSEBII HISTORIAE

ea quæ sibi erant suæque crudeli naturæ consentaneæ, executus, lento & remisso igni eum cremandum tradit, Julianus ergo præ lætitia exultare, valdeque gestire, atque clara voce gratias agens Domino, qui eum talibus præmiis, tamque insigni splendore afficere dignatus fuerat, præclara martyrum corona donatus. Erat hic quidem Cappadocum genere secundum carnem oriundus, moribus & vita sanctissimus, fidelissimus, & maxime ingenuus: & cum in aliis rebus spectatus, cum diuino ipsius sancti spiritus afflato imbutus. Talis erat caterua eorum, qui per Dei gratiam in martyrij societatem cum beato Pamphilo asciti fuerunt. Sacra autem & sancta reuera istorum corpora ex impij præsidis mandato quatuor diebus, totidemque noctibus, vt à bestiis, auibusque carniuoris deuorarentur, sub dio seruabantur. Verum ubi tanquam miraculo quodam, nulla neque bestia, neque volucris, neque canis, ad ea accedebat, rursus per diuinæ prouidentiæ dispensationem integra illæsaque inde ablata fuerunt. Et exequiarum iustis potita sepulturae, vt moris est, honorifice commendantur. Porro dum sæuitia aduersum istos usurpata, in omnium ore & sermone versabatur, Adrianus, & Eubulus ex regione, quæ Manganæa dicitur, ad reliquos confessores Cæsaream versus accedentes, ad portas urbis causam sui itineris eò suscepti rogantur. Deinde rei veritatem ingenuæ confessi, deducuntur ad Firmilianum. Iste, nulla dilatione aut mora interposita, post multa tormenta, quæ in eorum latera impegerat, bestiis dilaniandos condemnat. Biduo autem interieō, Adrianus quinto die mensis Dystri, hoc est ad tertium Non. Martij die festo quo natalitia fortunæ Cæsariensium (sic enim putabatur) celebrari solent, leoni primum ad discerendum proiectus fuit: deinde gladio iugulatus, obiit mortem. Eubulus autem perendino die ad meridiem ipsius Nonis Martij, qui est septimus dies Dystri, cum iudex illum admodum rogaret, vt hostias immolaret idolis quæ libertate eorum legibus decreta potiretur, gloriosam mortem pro pietate susceptam huic vitæ breui & caducæ præposuit: & post beatuarum laniatus, gladio,

vt so-

vt socius ante illum trucidatus fuit: omniaque martyrum certamina Cæsareæ confecta suo sanguine postremus obsignauit. Cæterum opere pretium est hoc loco commemorare, quo pacto tandem non idque longo tempore post, cælestis & diuina prouidentia eos impios magistratus cum ipsis tyrannis vta sit. Nam Firmilanus, qui tam petulanter & contumeliose in Christi martyres debacchatus fuisset, cum aliis eiusdem sceleris participibus extrema supplicia subiens, gladio finem viuen di fecit. Atque hæc sunt martyria, quæ Cæsareæ tota persecutionis tempore gesta sunt.

*De diuina contra ecclesiærum præsides vltione, merito  
inficta, & Sylvano & Ioanne martyribus. CAP. XXII.*

**Q**uæ vero interea temporis contra ecclesiærum præsides transfigi contigerit, & quo pacto diuina iustitia peccati vtrix pro pastoribus ouium & gregis Christi rationalis, cui parum prudenter & considerate præfuerint, non modo Camelorum (quod est animalis genus cum rationis expers, tum maxime natura incurvatum & deformis) curatores effecerit, illique quasi debito illis suppicio addixerit, Verum etiam equis imperatorum alendis destinarit, quot etiam contumelias, quot ignominiae notas, quot tormentorum genera ab imperatorum procuratoribus & magistratis per varia tempora pro sacris ecclesiærum vasis & thesauro ipsi subierunt, quanta ambitione honorumque cupiditate multi eorum flagrarent, quam temere & contra leges manus nonnullis imposuerint, quæ inter ipsos fidei confessores Scismata, quæ mala nuper quidam seditioni contra Ecclesiæ membra, quæ reliqua erant, dum nouas res ynam post aliam excogitare laborabant, toto pectore, ut dicitur machinati fuerint, inclementerque asperis persecutionis calamitatibus obtruerint, & mala denique malis exagerarint, hæc omnia à me prætereunda esse arbitror, præfertum cum ea memorie commendare, sicut in principio

Aa 2      huius